

Wang Tak Dituntut sudah cecah RM13.3 bilion - Akauntan Negara

BERNAMA - Mei 17, 2025 @ 10:38pm



Nor Yati (berdiri, kanan) pada Program KAM dan Santuni MADANI di SK Minyak Beku, hari ini. - FOTO BERNAMA

BATU PAHAT: Jabatan Akauntan Negara (JANM) merekodkan RM13.3 bilion Wang Tak Dituntut (WTD), setakat bulan lalu, walaupun pelbagai kempen dan promosi dilakukan bagi memberi kesedaran kepada orang ramai.

Akauntan Negara, Nor Yati Ahmad, berkata sejak sistem WTD diwujudkan pada 1977, hanya kira-kira RM4 bilion telah dituntut pemilik atau waris.

Enter Your SPM Result

Scholarships, Unis, Courses — All Matched to You.

✕ ⓘ

Beliau berkata, ia mungkin disebabkan individu atau waris tidak menyangka mereka mempunyai rekod WTD, selain ada yang tidak pernah membuat semakan dengan JANM.

"Mereka sebenarnya boleh membuat semakan atau mengemukakan permohonan tuntutan melalui portal rasmi atau aplikasi eGumis serta hadir ke cawangan JANM di setiap negeri.

DISYORKAN

- Anwar puji semangat juang skuad sepak takraw negara
- TABIKA Perpaduan terbuka kepada semua kaum - JPNIN
- Wanita Thailand maut, anak cedera nahas motosikal-treler di Padang Besar
- Pegawai penguat kuasa kanan ditahan SPRM Kelantan

"Kami akan terus melakukan promosi dan aktiviti turun padang menghebahkan kewujudan WTD kerana wang itu hanya boleh dikeluarkan oleh pemilik atau waris," katanya.

Beliau berkata demikian kepada pemberita selepas merasmikan Program Kampung Angkat MADANI (KAM) dan Santuni MADANI di Sekolah Kebangsaan (SK) Minyak Beku, di sini, hari ini.

Sementara itu mengenai program KAM pula, Nor Yati berkata, pelbagai aktiviti menyantuni penduduk kampung dan projek pembangunan membabitkan penambahbaikan infrastruktur dijalankan.

Selain WTD, beliau berkata, khidmat pembukaan akaun simpanan kanak-kanak dengan kerjasama Bank Rakyat membabitkan inisiatif RM20 setiap akaun, dan beberapa aktiviti bersama masyarakat turut diadakan pada program itu.

"Antara yang berlangsung bawah projek pembangunan fizikal ialah menaik taraf saluran air paip, membaik pulih balai Islam, membina pagar tanah perkuburan, menambah prasarana kemudahan pengurusan jenazah dan penyerahan sebuah van jenazah.

"Tujuan KAM diadakan ialah merapatkan jurang antara desa dengan bandar. Ia termasuk dengan melengkapkan kemudahan asas, kemudahan kemasyarakatan dan tidak ketinggalan capaian Internet," katanya.

Beliau berkata, KAM di Johor adalah yang kedua setelah JANM berjaya melaksanakannya di Kampung Lubuk Antu, Sarawak pada tahun lepas, dan program itu dijangka diteruskan selepas ini.



ZESTRADAR
World's Most Beautiful Cop Prefers Fighting Crime Over Modelling

LEARN



Aaron-Wooi Yik
Teruskan Gemilang Malaysia Di Terbuka...
▶ 1:11



Pengusaha Spa
Disimbah Asid, Suspek Disyaki 'Wanita...
▶ 0:55



Pearly-Thinaah Juara
Terbuka Thailand, Kaut RM161,191
▶ 0:58



Bekas Pelajar Kumpul
RM2 Juta, Hadiahkan Bas, Surau Baharu...
▶ 1:10

BERITA BERKAITAN



NASIONAL Mac 5, 2025 @ 7:01am
Wang Tak Dituntut kini mencecah RM12.7 bilion



NASIONAL Apr 21, 2025 @ 2:51pm
Hanya 10 peratus bekas guru tuntutan caruman KWSP setakat April - YGTHO